



Broj: JN1-03-16-7-5-12/20  
Sarajevo, 13.5.2020.

Na osnovu čl. 69. stav (2) tačka d) i 70. st. (1), (2), (4) i (6) Zakona o javnim nabavkama ("Službeni glasnik BiH" broj 39/14) i Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08) na prijedlog Komisije za nabavke iz Zapisnika o pregledu i ocjeni ponuda, broj: JN1-03-16-7-5-11/20, od 5.5.2020. u postupku nabavke usluga servisiranja kopir i faks aparata Parlamentarne skupštine Bosne i Hercegovine, Kolegij Sekretarijata Parlamentarne skupštine Bosne i Hercegovine, donosi

## ODLUKU O PONIŠTENJU POSTUPKA NABAVKE

### I.

Prihvata se prijedlog Komisije za nabavke iz Zapisnika o pregledu i ocjeni ponuda, broj: JN1-03-16-7-5-11/20, od 5.5.2020. i poništava se postupak nabavke usluga servisiranja kopir i faks aparata Parlamentarne skupštine Bosne i Hercegovine, proveden putem konkurentskog zahtjeva za dostavu ponuda, Obavještenje o nabavci, broj: 166-7-2-4-3-6/20, od 4.3.2020. iz razloga čl. 69. stav (2) tačka d) Zakona o javnim nabavkama, jer nijedna od primljenih ponuda nije prihvatljiva.

### II.

Ova odluka objavit će se na web stranici ugovornog organa [www.parlament.ba](http://www.parlament.ba), istovremeno sa upućivanjem iste ponude u koju je učestvovao u postupku javne nabavke, shodno čl. 70. stav (6) i 71. stav (2) Zakona o javnim nabavkama.

### Obrazloženje

Postupak nabavke usluga servisiranja kopir i faks aparata Parlamentarne skupštine Bosne i Hercegovine, pokrenut je Odlukom o pokretanju postupka javne nabavke, broj: JN1-03-16-7-5/20, od 11.2.2020. Javna nabavka je provedena putem konkurentskog zahtjeva za dostavu ponuda. Procijenjena vrijednost javne nabavke iznosi 43.000,00 KM sa uračunatim PDV-om. Komisija za nabavke imenovana je Odlukom Kolegija Sekretarijata, broj: JN1-03-16-7-5-2/20, od 11.2.2020. Tenderska dokumentacija Ugovornog organa, broj: JN1-03-16-7-5-6/20, od 4.3.2020., kao i Obavještenje o nabavci broj: 166-7-2-4-3-6/20 objavljeno je na Portalu javnih nabavki 4.3.2020. a istovremeno je Poziv za preuzimanje Tenderske dokumentacije sa Portala javnih nabavki upućen na adrese pet ponudnika i to:

1. RESEARCH PLUS d.o.o., Rakovacka cesta broj 138, 71 210 Ilidža
2. ZK Office d.o.o. Mostar, Vukovarska broj 38, 88 000 Mostar
3. K-INEL d.o.o., V. Karadžićeva broj 28, Istočno Sarajevo
4. Alf-Om d.o.o., Mladena Stojanovićeva broj 43-45, 78 000 Banja Luka i
5. FACIT d.o.o. Sarajevo, Merhemijeva Trg broj 4, 71 000 Sarajevo

Tendersku dokumentaciju sa Portala javnih nabavki preuzelo je ukupno 11 ponudnika. Do termina zakazanog za predaju ponuda odnosno do 18.3.2020. do 11,00 sati pristigla je jedna ponuda ponudnika Facit d.o.o. Sarajevo. Komisija za nabavke izvršila je javno otvaranje ponuda pri čemu je sastavljen Zapisnik o zaprimanju ponuda, broj: JN1-03-16-7-5-8/20, od 18.3.2020. i Zapisnik o otvaranju ponuda, broj: JN1-03-16-7-5-9/20, od 18.3.2020., koji su uredno dostavljeni jedinom ponudniku. Po završenoj evaluaciji, sastavljen je Zapisnik o pregledu i ocjeni ponuda, broj: JN1-03-16-7-5-11/20, od 5.5.2020. u kojem je konstatovano da ponuda ponudnika a

FACIT d.o.o. Sarajevo, broj: 200318-02/MO, od 18.3.2020. nije prihvatljiva za Ugovorni organ iz sljedećih razloga:

1. Nije zadovoljen zahtjev u vezi starosti dokumenta iz dijela 3.2. Tenderske dokumentacije-dokazivanje sposobnosti obavljanja profesionalne djelatnosti, jer je ponuđač dostavio ovjerenu kopiju Aktuelnog izvotka iz sudskog registra, koji je original izdat 5.12.2019. što je starije od tri mjeseca ranije i od dana dostavljanja ponude 17.3.2020.
2. U dostavljenoj Potvrdi o uredno izvršenom ugovoru nije navedeno sjedište jedne ugovorne strane (za Facit d.o.o. Sarajevo) suprotno dijelu 3.3. Tenderske dokumentacije i članu 48. stav (3) tačka a) Zakona o javnim nabavkama o obaveznom navođenju naziva i sjedišta ugovorenih strana u potvrdi.
3. Izjave i obrasci kao i nacrti okvirnog sporazuma/ugovora koji prate ponudu ponuđača uglavnom su potpisani i ovjereni s datumom 18.3.2020., a Ponuda je dostavljena Ugovornom organu 17.3.2020. (detaljno navedeno u Zapisniku, broj: JN1-03-16-7-5-11/20, od 5.5.2020.).

Zbog činjenice da je u postupku nabavke ponudu dostavio samo ponuđač Facit d.o.o. Sarajevo, te da je njegova Ponuda neprihvatljiva za ugovorni organ iz gore navedenih razloga, Komisija nije provodila fazu vrednovanja i rangiranja prihvatljivih ponuda, pa Kolegiju Sekretarijata Parlamentarne skupštine BiH predlaže da se postupak nabavke usluga servisiranja kopir i faks aparata Parlamentarne skupštine BiH, okonča donošenjem Odluke o poništenju postupka nabavke iz razloga člana 69. stav (2) tačka d) Zakona o javnim nabavkama, jer nijedna od primljenih ponuda nije prihvatljiva za Ugovorni organ. Kolegij Sekretarijata Parlamentarne skupštine Bosne i Hercegovine prihvatio je prijedlog Komisije za nabavke o poništenju postupka nabavke, te odlučio kao u dispozitivu ove odluke.

**Pravna pouka:**

Protiv ove odluke može se izjaviti žalba Ugovornom organu u pisanoj formi direktno ili preporučenom poštanskom pošiljkom u roku od 5 (pet) dana od dana prijema ove odluke u dovoljnom broju primjeraka, koji ne može biti manji od 3 (tri).

Dostavljeno:

- Facit d.o.o. Sarajevo, ul. Dr. Kasima Begića broj 23, 71 000 Sarajevo
- Sektoru za finansije
- a/a

**KOLEGIJ SEKRETARIJATA:**

**Kenan Vehabović** \_\_\_\_\_

**Gordana Živković** \_\_\_\_\_

**Marin Vukoja** \_\_\_\_\_